

金陵勝蹟志

戊辰夏月


佛耶居士龍丁署

卷之九 406

地 750.22

11.91

部 =



金

陵

勝

迹

卷

吳湖帆署



自序

金陵文獻之徵夙惟金鰲朱緒曾二賢是賴竊按金氏待徵錄考證雖博近乎雜記朱氏書多未刊間有散佚餘若王氏金陵雜詠陳氏秣陵集又皆偏於題詠而於名勝舊迹皆無暇詳述覽勝者有遺憾焉余素好探幽勝每至金陵必攜買烏笻蠟阮孚屐尋遺躅訪故墟凡崇山峻嶺必登焉雲水煙波必泛焉其歷代宮殿之廢基必考焉神靈英傑之祠墓必謁焉其故城廢壘必覽焉先賢故里必訪焉其叢林古刹必入焉殘碑斷碣必讀焉其高巖絕壑爲古關隘之所荒郊廣野爲古戰鬪之場必徵焉弔焉聞者采之覩者記之夜歸旅邸又不憚翻閱圖經地志博稽載籍遺編不厭求詳一一印證如是者有年矣迨後鐵道西指遊迹始盛過江各士靡不託興登臨偶見拙稿粗成時有以付梓請者余重違其意遂將原稿及續行搜輯者勉爲整理釐爲十卷具詳凡例若云繼武前賢則吾豈敢民國十五年丙寅二月胡祥翰

金陵勝蹟志例言

六朝建業南唐西都洪武應天虎踞龍蟠冠映今古昔人撮奇標勝稱金陵四十景
名蹟之夥宜有專書爰仿畢氏關中勝蹟圖志曹氏輿地名勝志陳氏江城名蹟
分門記載勒爲一編補郡邑志所未備

分門凡六曰城郭曰山水曰寺觀曰祠宇曰園墅曰陵墓其他名勝古蹟類多依山
傍水故凡無類可歸者分附山水一門

眉目

勺水拳山古人命名必有取義或爲形肖或以人傳因名覈義不厭求詳但於古無
徵則義從蓋闕不敢臆說傳會

南朝寺觀甲天下是編於歷代敕建及古德高真闡道棲息之所固必大書特書他
若創始有奇緣開山有實行或能便利行旅點綴名勝者間亦酌採至私創庵院
書不勝書概從省略

祠墓園墅以當今保存或遺址可尋者爲斷若舊籍偶見今難指實恐徒增迷眩故
不復採載

金陵勝蹟志

例言

藝文仿范氏吳郡志康氏武功志例散附各門便省覽

各門採錄亦僅就故籍所載山屐所經者摭拾成書遺漏謬誤自所不免糾而正之
是所望於後之秉筆者

金陵勝蹟志總目

卷一

城郭 故城附

卷二

山水

卷三

山水

卷四

山水

卷五

山水

卷六

山水

卷七

寺觀

金陵勝蹟志

總目

卷八

祠宇

卷九

園墅

卷十

陵墓 附塔院

金陵勝蹟志卷一

上海胡祥翰寄凡輯

城郭故城附

城周九十六里東連鍾山西據石頭南阻長干北帶後湖門九故十三門明初建城惟南門大西水西因舊更名聚寶石城一名漢西三山自舊東門截濠為城開拓八里增建南門二曰通濟正陽一名洪武自正陽而北建東門一曰朝陽自鍾山之麓圍繞而西抵覆舟山建北門一曰太平又西據覆舟雞鳴山緣湖水以北至直瀆山而西八里建北門二曰神策金川西北倚獅子山雉堞東西相望建門二曰鍾阜儀鳳迤邐而南建定淮清涼一名清江二門以接舊西門清閉鍾阜定淮清涼金川四門金川今走火車順治十六年改神策為得勝門以旌破海寇功總兵梁化鳳出此門以破海寇改曰得勝今仍呼曰神策是年又築滿城於青溪之東起太平門沿舊皇城基址至通濟門止門二門以通出入為八旗駐防兵屯紮之地江甯將軍開府於此又有豐潤門通後湖江督端方奏開

明初又於城之四圍因山據險闢郭門十八東六門曰姚坊仙鶴麒麟滄波高橋雙橋南六門曰上方夾岡鳳臺馴象安德小安德西南二門曰石城關江東北四門金陵勝蹟志 卷一 城郭

曰外金川佛甯觀音上元周一百八十里僅立標識而未及起築即遷於北至今岡阜絡繹俗呼為土城頭者以此

故城

越城 金陵之有城自越城始建康志宮苑記周元王四年越相范蠡築一名

范蠡城郡國志云東甌越王所立六朝事蹟圖經云在秣陵縣長干里今聚

寶門外江甯縣丞署後其遺址也王友亮越王城歲星在越不可圖轉禍為福纔須臾美人一入麋鹿俱席吞三江襟五湖更思

耀武瀟湘區崇墉屹屹餘規模鳴夷去矣文種誅謀楚那得如謀吳

石頭城 簡稱石城在石頭山即清涼山後漢建安十七年孫權建相傳武侯

至吳駐此以觀形勝謂鍾山龍蟠石城虎踞即此北緣大江南抵秦淮口六朝以

來皆守此為固李蓮石城晉代衣冠空薛羅石城埠境尚峨峨鎮雄江漢山增險

千秋淚若問浮名心已磨 陳文述諸葛武侯駐馬坡石頭城上翠屏顏虎踞龍蟠在此間形勝舊傳三國志風雲常護六朝山登高感慨誰知已攬轡澄清亦等

閉天遣艱難定西蜀峨嵋萬里隔秦關 孫星衍石城百戰江山越霸基斬巖虎踞瞰湯池須知一片降帆出不及歸舟載石時 張文虎石城山遠接鍾山勢巉

巉氣鬱森伏龍曾至此駐馬一登臨建業降幡亂長江鐵鎖沉石頭頑未解虎踞到如今

白下城金陵志地錄白下陳文述據宋書以為白門誤矣白門古宣陽門乃臺城外門劉叔

向白下橋記謂白石壘下讀史方輿紀要言今靖安鎮即城基胡三省通鑑注

〔蓋卽今之龍灣〕

臺城 〔江甯府志〕本吳後苑城卽宋建康宮城宋齊梁陳皆因爲宮與雞鳴山

相接〔同治上江兩縣志〕案臺城之址今頗難考通鑑隋伐陳賀若弼進至樂游

謂臺城在覆舟山南則臺城當更向南其不得北據雞籠可知雞鳴寺後之城乃

是明擴都城時所遺俗呼曰臺城觀此則臺城基址似又難確定其所在矣吳

偉業臺城形勝當年百戰收子孫容易失神州金川事去家還在玉樹歌殘恨未

休徐鄧功勳誰甲第方黃骸骨總荒邱可憐一片秦淮月會照降幡出石頭王

士覆臺城懷古覆舟山畔古臺城故壘參差觸目驚蔓草繁煙野蕭瑟寒禽將子

水縱橫紫雲黃鶴符終驗白馬青絲識又成千載華林宮館路清明時節野棠生

皇城 一稱明故宮在朝陽門內明太祖所建也〔金陵覽古〕明太祖定都金陵

命劉基卜新宮鍾山之陽在舊城東白下門二里會築新城其南與正陽門對曰

洪武門內承天門內端門左東長安門右西長安門承天門之前東近北曰東華

門內東上南東上北門西近北曰西華門內西上南西上北門子城卽紫禁城其

中曰午門左左掖右右掖門東東安西西安北北安午門內奉天門左小門東角

右小門西角東角南左順殿曰文華西角南右順殿曰武英奉天門內奉天殿殿

東文樓殿西武樓殿左中左門殿右中右門殿後華蓋殿次謹身殿次乾清宮次

坤寧宮宮左柔儀殿宮右春和殿洪武元年十一月復建大本堂於宮城內爲教

授太子之處〔江甯府志〕午門內有高牆依牆有廢址爲文華武英殿基又面

金陵勝蹟志 卷一 城郭 二

牆十餘丈爲五鳳樓〔白下瑣言〕昔之五鳳樓文華武英等殿基不過指識其

處而已惟正殿雲龍階石一一可考清卽爲駐防城城於民國六年墜存者僅數

門耳〔荷香館瑣言〕明皇城磚皆有窰匠某造磚人夫某總某甲首某小甲某

及其府提調通判某某縣提調縣丞某某等陽文其字有甚工者今雞鳴寺砌

路之磚大半此物丙午午月與常州同宗孟興孝廉偕遊此寺剔泥細視多武昌

府安慶府提調等字蓋明初各省派官監造者可見工程之鉅矣余曾得字畫最

精者二寄存鉢山圖書館

虎口城 〔同治上江兩縣志〕在新河路新河上〔方輿紀要〕明太祖築以備陳

友諒者

天保城 在鍾山西峯〔曾文正公祠百咏〕賊築堅壘於鍾山謂爲天保城農會

造林場在此山之西北麓尙有地保城形勢亦甚險要保一作堡

金陵勝蹟志卷二

山水一

上海胡祥翰寄凡輯

城中路

龍廣山 在朝陽門北一稱龍尾為歷代戰爭之所〔鍾南淮北區域志〕同治三年六月曾忠襄公國荃用地道轟城蟻附齊上俗呼為龍膊子者是也民國辛亥癸丑兩役而龍尾坡攻擊所萃被災尤劇

白下門 卽白下城之東門荆公東門詩有東門白下亭之句參寥訪荆公詩曰苦嫌榮祿早抽身歸與漁樵共隱淪白下門西山迤邐與來長是岸烏巾徐師川詩曰廣陵纔過又金陵白社還思白下亭雁翅水連千里浪峨眉山出兩峯青正謂此也

半山亭 〔輿地紀勝〕在上元縣東北王安石故宅由城東門至蔣山此為半道故名元豐七年安石請捨為寺賜額報寧故今亦名半山寺明時皆入禁中庭有雙檜相傳為荆公手植清陶文毅公重建咸豐癸丑燬於兵同治間魁果肅公以江甯留守始卽故址而復興之宣統間端忠愍重修俞明震遊半山亭偶然占一壘事過如秋煙如何此亭名千秋惟公專後人惜古意添築屋數椽上結雲作頂下借石為欄渡葉甯知數藏山無礙寬一朝構兵火瓦落如奔泉淒淒霧中眼誤作臺城看此邦多喪亂好春無百

金陵勝蹟志

卷二 山水一

年幽草勝花時此恨公能傳我身如獨樹不死常兀然不見綠陰底破網蛛絲牽潔身遠逝蟻那復計孤懸 羅惇齋半山寺卽荆公捨宅亂栽花竹公歸處捨宅千秋勝此堂見柳尚敷含雨翠萬荷齊柄遠風香爭墩轉益林泉趣補屋甯知草樹荒〔自注陶齋補亭今漸就荒〕更策疲驢衝濼去鍾山一角坐招涼

謝公墩 在半山亭里許有石阜隆起相傳為謝公墩謝安與王羲之嘗登此或又謂舊名康樂坊因謝玄封康樂公至孫靈運猶襲封所謂謝公墩者蓋玄及其子孫所居也王安石謝公墩我名公字偶相同我屋公墩在眼中公去我來墩屬我不應墩姓尚隨公按謝公墩有二一在冶城山北見後而此最有名

覆舟山 在太平門內〔建康志〕周三里高三十一丈狀如覆舟因名宋元嘉中各元武山陳大建中亦名龍舟山山東麓各東陵並為要隘

雞籠山 〔輿地志〕在覆舟山西二百餘步〔建康志〕高三十丈周十里〔寰宇記〕西接落星岡北臨栖元塘狀如雞籠因名宋元嘉中黑龍屢見元武湖此山正臨湖上改曰龍山齊武帝射雉鍾山至此聞雞鳴故亦稱雞鳴壙元至正元年山椒築觀象臺置儀表明改為欽天故又名欽天山儀器今在北京中央觀象臺山上舊有涵虛閣望湖亭山半有橫岫閣俱久圯光緒戊子江甯藩司奉新許公重建以復舊蹟山多石骨道光中陶文毅公種松萬株彌滿山下今所存者僅山南九眼井旁

一株耳〔王士禛〕正遊雞鳴山鳥龍潭諸勝記節錄〔康熙〕甲辰六月閏立秋酷暑二十日稍涼遂發興尋雞鳴山鳥龍潭諸勝飯後循秦淮過覆舟山陳霸先

與高齊大戰即此地也山連鍾阜之尾西接雞鳴臺城透迤介兩山之間下為白門登雞鳴寺下瞰臺城俯臨十廟原野蕭瑟林木蒼涼悲風卷蓬西日欲匿寺始於晉永康間即南宋雷次宗開館齊竟陵王子良抄四部書處武帝射雉鍾山至此聞雞鳴故又稱雞鳴埭矣禮誌公像登塔望後湖湖亦號昆明池故明貯天下版籍之所今網罟勿禁夕陽類瀟野水縱橫中惟荷葉田田千頃鳥鷺將子十百成羣啾啾波間而已十廟皆在山麓帝王廟尤荒闕童監數人眠於輦路羸馬脫羈籠草階下為太息久之吳偉業觀象臺候日觀雲倚碧空一朝零落黍離同昔聞石鼓移天上今見銅壺沒地中黃道只看標北極赤鳥還復紀東風郭公枉自師周髀千尺荒臺等廢宮孫星衍雞籠山四陵北去一成山塔影湖光盡日閱儒館傾頹文物盡瘞雲只解護禪關

甘露井 在雞鳴寺施食臺下其石表為宋金華書相傳地為古戰場元時刑人於此明洪武二十年建雞鳴寺歡迎西番僧惺吉堅藏等七人取水結壇施食以度幽靈故井以甘露名石表現在古物保存所

燕支井 一名景陽井又名辱井在臺城內陳後主與孔貴嬪張麗華俱入井隋軍出之其井有石欄上多題字〔金陵志地錄〕景定志云在臺城法寶寺黃履周

沔有承慶寺觀陳井詩曾鞏錄又言興嚴寺錢竹汀謂此為足據而應天志則言在盧妃巷顧文莊云在紅花地據綱目質實似應從景定志舊謂井欄石脈以帛拭之作燕支痕故各道光中住持僧脫穎按志尋得樹柵護之題名於上舒位景陽樓外樹樓鴉腸斷銀牀一抹霞壑谷未為長夜飲隔江已唱後庭花六宮秘計生同穴九地遊魂死戀家失笑天明茅經在轆轤惆悵子陽蛙 袁枚景陽井華林秋老草茫茫誰指遺宮認景陽當日君王縱消渴井中何處泛鴛鴦

金陵勝蹟志 卷二 山水 一

雞鳴泉 雞籠山麓有泉冷然味清冽明盛時泰有贊

覆舟池 〔顧文莊〕曰雞籠山後沿小徑而入蘿木蒙翳初入無有豁然開朗別一

世間池數十畝旁植楊柳中種荷芰水田村舍彷彿桃源

祇闍山 雞籠山分支也兩山對峙由山峽北行有胥家大塘等地道光中郡人蔡太僕世松築晚香堂於此

北極閣 在欽天山前殿供真武像唐吳道子畫咸豐兵燹閣毀光緒戊子重建劉

葆真上元欽天山北極閣記節錄一咸豐癸丑之變閣盪然矣光緒戊子奉新許公藩江甯之二載度山程材規觀象臺舊址為閣閣左立十廟稍出入明祀典右祀陶通明先生閣後曰曠觀亭亭出霞表左樓曰望湖右曰涵虛閣前東西樓倚角相應曰闍風齊雲四樓仍齊梁間名也十廟更東隙地構室三曰天池小艇其東南隅俯雞鳴寺為亭曰橫翠閣既定授之候補知縣姚德鈞董其役凡七閱月閣之役歲 徐夔登北極閣傑閣高空近玉京凭欄一望起秋聲龍蟠虎踞與亡地白石清江過客情豈有占星周內史更無懸苑魯諸生由來陵谷隨時異滿目寒雲下古城 馮煦同蘋湘湖泉登北極閣層層白晝暗虛閣氣蕭森瘦馬棲殘碣枯鷹下遠林湖光千頃合野色一城陰十廟今墟莽臨風感不禁 吳學廉丙午九日北極閣登高龍虎山城擁壯圖金陵從古帝王都江流東去英雄盡秋色西來風景殊九日登臨宜曠快百年往復足嘻吁關河自有無窮事獨恨乾坤一腐儒

六朝松 在高等師範學校陳三立六朝松依山廣廈步寒晴訪舊餘飛鵲笑聲重撫孤松入世改不成龍去亦偷生

曠觀亭 在北極閣後清康熙二十三年聖祖南巡幸此御書曠觀二字勒碑建亭

咸豐間毀同治十年重建登此一覽金陵大勢盡在目中矣

萬壽閣 在御碑亭左康熙二十八年諭免房稅萬民感德伐石立碑恭紀其事今廢

鐘亭 在北極閣旁本名倒鐘廠有巨鐘二一立一臥相傳為明太祖之景陽鐘立者為粵匪所毀光緒中許方伯振禕以起重機起其臥者築亭覆之人呼為大鐘亭門首題元音再起四字

鼓樓 在北極閣西山坡上明洪武十五年建以鼓報晝夜時刻明都城之規制也清康熙初立聖祖戒碑於上故又名碑樓其下如城闔省會南北之要衝也上層後祀關壯繆登高四眺城郊全景在目愈懋詠此云一層甫及上萬象俄已收努力更躋攀空闊窮雙眸却有此情景今已開放參看園墅 姚文枏辛亥重九登州九日登高上鼓樓虎踞龍蟠天下勝青山紅樹眼前秋不知世局古今換但見長江日夜流濁酒且澆胸碗礪奚須完缺問金甌

耆闍山 在神策門內即今城址所據岡阜是也舊有耆闍寺故名

獅子山 在儀鳳門蒼翠玉立林樾蔽天有建瓴之勢夙立營寨於此〔建康志〕

周十二里高三十六丈晉元帝初渡江此盡為虜寇所有以其山連石頭開鑿為固以比北地盧龍故又名盧龍山〔江寧府志〕山首突出城堞明太祖嘗伏兵

金陵勝蹟志

卷二 山水一

大破陳友諒於山下舊志稱明初建閱江樓於山巔宋濂奉敕撰記按明太祖所

製閱江樓記序則樓不果建特勅儒臣撰記耳山上舊有盧龍觀今圯顧涇閱江路青山仍繞帝王州憑君莫問當年事禾黍同歸六代愁 孫星衍御嶺盧龍山險獅峯接老鸞河驚鶴唳頻三宿崖前公獨住南朝此際竟無人

歸雲堂 在儀鳳門內明末黃山孫鼎隱此書盤谷二字故亦稱小盤谷叢桂甚茂

〔梅曾亮遊小盤谷記〕江甯府城西西北包盧龍山而止余嘗求小盤谷至其地土人或曰無有惟大竹蔽天多歧路曲折廣狹如一探之不可窮聞大聲乃急赴之卒不見人熟五斗米頃行抵寺曰歸雲堂土地寬舒居民以桂為業寺旁有草徑甚微南出之乃墜大谷四山皆大桂樹隨山坡陀其狀若仰大玉空響內時警效不得他逸寂寥無聲而耳聽常滿淵水積焉盡山麓而止由寺北行至盧龍山其中阮谷窪隆若井竈巖巖之狀或曰遺老所避兵者三十六茅庵七十二團瓢皆當其地且暮乃登山循城而歸暝色下積月光布其上俯視萬影摩盪若魚龍起伏波浪中諸人皆曰此萬竹蔽天處也所謂小盤谷殆近之矣

陶谷 在儀鳳門內西北隅陶宏景隱此故名山平地幽林壑深美有古梅一株傳係先生手植

四望山 在定淮門內〔建康志〕周三里高十七丈〔寰宇記〕引南徐州記臨

江有四望山吳大帝嘗與仙者葛元共登陟之山勢嶄絕足供遠眺故名四望其

側有棲賢山彭庵山甄岡李家岡並俗名王友亮四望山西風四起雁數數佳節登臨未覺勞斜日自尋江口下亂山爭

向石頭高漸知落葉妨遊屐且喜寒花俯濁醪莫倚劉郎佳詠在探珠甲爪亦能豪

馬鞍山 在定淮清涼兩門之間高八十五丈以形似得名其山幽阻深靚遺世之士茲焉託足精藍梵宇感時蓋七十餘所鐘磬鞀鞀時出松濤竹浪中有匡廬竹隱意故世名小匡廬

按城北路亦有馬鞍山見後

清涼山 在水西門內東北隅古無此名後乃因寺名之實即石頭山也〔江甯府志〕自江北而來山皆無石至此山始有石故各地勢迴曠堪騁遐矚城闔煙樹

翼歷萬家城外江光一綫帆檣隱隱可辨江北諸山拱若屏障登眺之勝甲於諸

山矣山下有清涼古道坊馮煦金陵紀遊節錄城之西北有清涼山去妙相庵

鼻游泳其際白日既匿蕭寥無人叢蘿幽篠淒淒神寒骨剛巒起伏或躡或奔山下破寺一區為梁武避暑地尋僧問涂聘相顧如麋鹿之不可接一徑幽峭雨後苔薛合沓幾不可步其上亭曰翠微高宗南巡時所書也亭聳然起高凌天風春樹萬家皆在其下大江滾滾上京口去繁抱三面形如破環風帆幾點出沒頽城斷壑間時有墟煙縷縷與雲波相吞吐隔江諸山巒繞青弁一氣予與漱泉坐磐石上瞻焉忘歸暮色蒼茫自遠而至乃尋樵徑東下谷口風迴若相送然鄭孝胥九日獨登清涼山科頭直上翠微亭吳甸諸峯向我青新霽雲歸江浦暗曉風浪入石頭腥忍飢方朔非真隱避地梁鴻自客星意氣頻年收拾盡登高何事叩蒼冥

翠微亭 在清涼山巔即南唐清涼臺故址林逋有詩云亭在江干寺清涼更翠微

乾隆十六年御書翠微亭額咸豐間毀同治間重建又圯張文虎翠微亭翠微亭

金陵勝蹟志

卷二 山水一

折旋繞郭江流似腰帶照入山色皆童顛感懷朋舊卅三載坐閱興亡七百年漫問南朝故宮闕幾家廬舍見炊煙

掃葉樓 在清涼寺即半畝園遺址舊志國初掃葉僧居之然僧乃龔半千託迹繪

一僧持帚作掃葉狀耳見〔盧雅雨說〕咸豐間毀光緒辛丑僧寄禪重建助資

者為郭月樓劉彝廷民國甲寅馬僑卿仇徠之重修洪亮吉掃葉樓贊萬樹蔽谷

東僧飯一盂案有鳴蟲秋燕睇之低飛竹叢誰開西窗天風掃空黃鼎登掃葉樓登樓眼界有餘清僧去猶存掃葉名滿地積陰幽樹合一江空翠遠山橫梵音禪寂關詩思雲影鐘聲淡客情記取楓丹好時節巾車還過石頭城陳三立陶齋尚書酒集掃葉樓遂同登翠微亭巖腰車騎繞樓臺食認前朝聽唄來雨色晴光盪城郭湖荷江柳照尊疊孤亭摩竭龍蛇動萬綠浮天雁鶯猜宇宙此山身是寄奇懷收入野僧陪

還陽泉 〔散原精舍詩集〕清涼寺旁還陽泉相傳久飲鬢髮不變寺僧以此泉烹

茗餉客

江光一綫閣 在清涼山〔白下瑣言〕軒窗二面長江匹練宛在几席王夢樓姚

惜抱孫伯淵諸人皆有題詠西城登眺之勝無逾於此今圯孫星衍江光一綫閣

一徑入雲斜極目東南未有涯江水白添連夜雨嶺梅紅似半天霞何年蘭若迷陳井終古青山屬謝家過眼韶光天愛惜春寒留住十分花

烏龍潭 一名小西湖舊說晉時有烏龍見故名〔中國一統志〕在上元縣北建

康志水旱祈禱屢應舊志近清涼虎踞關潭中夏日多荷西岸皆園亭唐顏魯公

置放生池於此〔益山志〕明潘之恆嘗言潭深莫測廣百餘尋長竟二里光緒

七年桑根先生言之總督劉坤一於水涸濬之計工凡二萬有奇潭乃免湮廢秦際唐有記（王十一上遊雞鳴山烏龍潭諸勝記節錄）小憩靈應觀坐道十南軒潭之流皆居此（鄭孝胥雨中宿子朋齋臨烏龍潭幽人默相感衝雨命籃輿樹暗城西路雲深水北居添衣攜短榻共飯洗芳蔬庭鶴聲誰警潭龍氣自凝對眠清榻冷立語暮鐘疏世事堂堂夕山中夢熟初）

浙江烈士祠 在烏龍潭東南祀光復之役死於國難者入門有碑亭碑陰列有諸烈士姓名旁有樓臺可眺覽

蛇山 在烏龍潭西因山宜茶亦名茶山

惜陰書院 龍蟠里四松庵舊名益山園陶文毅公愛其面對方山天印極登眺之勝建印心石屋命工勒碑改名博山園復仿西湖詁經精舍創惜陰書院延請山長專課經解詩古文詞而勦其先桓公像於石祀焉今改江蘇省立第一圖書館鉢山 一名益山在清涼山南以形似得名烏龍潭一泓近在抱中前馮虵山如几西偏坡陀盡處倚石頭城垣迤東勢漸夷山徑四達登眺甚便

餘霞閣 在鉢山磴道左右有古松四天矯騰擎胡太守鍾以四松庵表其門至今尚存（梅曾亮鉢山餘霞閣記）江甯城山得其半便於人而適於野者惟西城鉢山吾友陶子靜偕羣弟讀書處也因山之高下為屋而閣於其巔曰餘霞閣

金陵勝蹟志 卷二 山水 五
萬屋沉沉炊煙如人立各有所企微風撓之左引右挹縣縣縉縉上浮市聲近寂而遠聞甲戌春子靜鶴同人於其上眾景畢現（下略）

龍蟠里 在益山前西直城垣有雙門榜曰古龍蟠里虎踞關山徑直其東（在益山北不足二里許）相傳昔諸葛武侯與吳主權論建都形勢曰鍾山龍蟠石城虎踞故各今立石曰諸葛武侯駐馬處即此故其地又曰駐馬坡其事或據史志出入之

落星岡 （建康志）城西北九里吳時星落故名 （通鑑）陳霸先討侯景於石頭西落星岡築柵胡注石頭城西有橫隴謂之落星岡亦名落星墩 （呂志）稱落星山誤

五臺山 在漢西門內乾河沿側山椒有關廟土人祈禱拈香甚形熱鬧山中有西僑住屋多所

蛾眉嶺 俗呼紅土山在五臺山西

小倉山 在清涼門內 （待徵錄）南唐時建倉其上故名清袁枚隱於此山下有井銘（詳江甯金石記）

清風榭 小倉山永慶寺左有清風榭望之初不見屋宇陟數十級豁然開朗別有洞天修廊曲榭境極幽闐舊有額曰地因樓勝俗稱地樓花木最盛孫淵如有題

案太平門外岔路口有倉山即呂志所指為覆舟山者故此或以小名耳又案花蓋岡為明屯糧之所亦有倉山之名見後

地樓夜集圖樓供文昌像旁配張仙求嗣者花時作張仙會今廢

冶城山 在漢西門內吳為冶城吳時鼓鑄之所以為孫權所築或仍夫差之舊未可知也山之名以此在朝天

宮後亦稱宮後山又名紅土山此別一北有謝公墩然遠想有高世之志故名李

白詩冶城訪古蹟猶有謝公墩指此輿地紀勝嘉定中制帥黃度即冶城山

建冶城樓為一郡登覽之勝久圯

飛霞閣 舒執室詩存在朝天宮大殿左僅存牆壁蔓榛近議於宮址改建郡學

廖君實總其事因修葺之以息司事者

松蟬亭 在冶城山陳三立有陶齋尙書招游松蟬亭詩

鳳臺山 在聚寶門內亦名鳳凰山宋元嘉十六年有三鳥翔集此山狀如孔雀文

形五色音聲諧和衆鳥羣集乃置鳳凰里起臺於此故名臺極壯麗舊在城外憑

臨大江明初始圍入城內而江流亦徙去鳳去臺空江亦遠流近於土中得重修

鳳凰臺碑記為雍正間德化黃光夏撰文有臺不得與黃鶴樓並存一語惜僅存

上半不能窺其全文矣何子貞金陵雜述西園鳳凰臺一帶殘敗最甚

按雞籠山後亦有鳳凰臺其命名之意未詳

花盞岡 高踞鳳臺山之巔形隆而長一名倉山明驍騎衛屯糧之所也俗呼倉頂

金陵勝蹟志

卷二 山水

六

又名伏龜山山昔有樓亦曰伏龜金陵之山土色紅赭東城赤石磯西城蝦蟆石

及茲岡皆然故陶官嘗設於是

馬湘蘭故居 金陵妓馬湘蘭名守貞字元兒小字月嬌工詩善畫蘭居秦淮勝處

有詩二卷王穉登為之序

江中經舊苑馬守貞文并序歲在單闕客居江甯

田室廬皆盡惟古柏半生風煙掩抑怪石數峯支離草際明南苑妓馬守貞故居

也秦淮水逝迹往名留其色藝風情故老遺聞多能道者余嘗覽其畫蹟叢蘭修

竹文弱不勝秀氣靈襟紛披楮墨之外未嘗不愛賞其才悵吾生之不及見也夫

託身樂籍少長風塵入生實難豈可責之以死婉孌倚門之笑綢繆鼓瑟之娛諒

非得已在昔婕妤悼傷文姬悲憤矧茲薄命抑又下焉嗟乎天生此才在於女子

百年千里猶不可期奈何鍾美如斯而摧辱之至於斯極哉余單家孤子寸田尺

宅無以治生老弱之命懸於一指一從操翰數更府主俯仰異趣哀樂由人如黃

祖之腹中在本初之致上靜言身世與斯人其何異祇以榮期二樂幸而為男差

無牀簾之辱耳江上之歌憐以同病秋風鳴鳥聞者生哀事有傷心不嫌非偶

南岡 在聚寶門內東南隅即今蟒蛇倉石觀音院地為六朝士大夫萃聚之所後

有周處讀書臺杜詔周處讀書臺發尚遺址荒荒宿草中在朝能獨立致命見孤忠始信讀書效因高力戰功斬蛟與射虎未足號英雄

秦淮 輿地志丹陽記諸書皆言秦始皇用望氣者言鑿方山斷長壘以洩王氣導

淮水入江是為秦淮之始城內之水以此為綱惟河狹而水感左右居民傾注穢

物故水甚渾濁文德橋至大中橋兩岸樓臺倒影樹木扶疏每值夏令畫舫往來

笙歌盈耳有秦淮畫舫錄刊行其附近為釣魚巷舊各手帕巷妓寮在焉賀鑄秦

官柳動春條秦淮生暮潮樓臺見新月燈火上雙橋隔岸聞朱箔臨風弄紫簫誰
憐遠遊子心旆正搖搖鴈鶩秦淮懷古回首中原接戰塵但誇天塹復無因阿
誰肯隨新亭淚有客猶尋舊院春會冠蓮臺王學士名喧桃葉顧夫人蛾眉前後
皆奇絕莫怪羣公欠致身何紹基秦淮河沿河不見柳絲搖步向青谿長板橋
丁字簾前猶彷彿更誰閒話到南朝自注秦淮河惟長板橋尚在李佳秦淮
竹枝詞郎家近住東關頭妾住秦淮河上舟何嘗一夜東流水流到郎家更不流
桃葉渡頭有酒沽飲之不盡醉千盞阿儂只愛秦淮水有人恰譽莫愁湖薛時
兩秦淮曲二十年前夢繁華不可追秦淮無故蹟明月是秦時
按秦淮源流詳載邑乘茲志勝蹟僅敘其勝概下皆準此

桃葉渡 相傳晉王獻之迎妾桃葉渡江處其地昔在秦淮利涉橋今移於淮青橋

利涉橋之間〔秣陵集〕郡志以晉王渡江處爲桃葉渡按此童謠之類不得以

桃葉山爲桃葉渡〔池北偶談〕鍾伯敬於渡頭徧植桃花徐渭桃葉渡書中見

過桃葉渡但見一條水憶渡桃葉時綠楊嬌粉面丈水五石泥好影照不見黃
協填尋桃葉渡故址舊遊如夢復如塵攜履重來巖綠茵向晚雨絲風片裏有人
閉話六朝春六朝春茶肆名色心字湖中暮藹微淮青橋外蕩舟歸欲從渡口尋
桃葉惟見鷓鴣掠水飛陳三立桃葉渡夜泛嬌嬌柳邊棹離離月下人衣香迴
一水酒思映千春初雁明河見涼蟬畫閣新江南腸斷夜攜手竟誰陳

柳浪湖 在桃葉渡旁〔東城志略〕疑卽田林詩注之煙柳湖明吳子充築長吟

閣於上朱元律詩所謂秦淮別派小成湖是也

丁字簾前 〔畫舫餘談〕秦淮檐扁莫久於丁字簾前屋常易主而扁終仍舊今所

懸者乃蘭川大守玉箸篆文也〔東城志略〕對河水港歧出如丁字形所謂簾

金陵勝蹟志

卷二 山水

前丁字水也或曰卽丁繼之水亭復社會文處也薛桑根師停艇聽笛之扁殆爲
此作歟

西樓 〔虞初續志〕卽西樓記中穆素徽所居之舊址也許香巖太史葺其地而新
之樓俯秦淮清流照影十載寓公遊屐頗盛今許公已歸道山樓臺易主殊深今
昔之感

文德橋 在縣學西本木橋萬歷中圯邑人錢宏業易以石道光中闌圯溺人數十
咸豐兵燹橋毀同治五年仍易以木板橋水上兩岸人家懸樁拓架爲河房水閣
雕梁畫檻南北掩映秦淮之勝也

朱雀橋 〔金陵雜詠〕晉咸康二年作朱雀門立朱雀浮航自晉及陳阻淮爲固西
連石頭東接青溪浮航

往來總二十四所一日有警輒斷舟柵號稱險隘隨平江南諸航始廢揚吳築城
淮流益狹今則瓦屋櫺比照往攘來一水濛濛通舟楫六朝故蹟蓋往往湮矣
南渡淮水北去宣陽門六里以金陵圖考之當在鎮淮橋北左南廂或謂卽今之
鎮淮橋對朱雀門亦名朱雀航謝安置重樓並二銅雀於橋上因名

利涉橋 一名紅板橋昔桃葉渡也邑人金雲甫居渡口見渡者多溺捐建木橋太
守李正茂名曰利涉後又倡募改石其後重建復易以木道光十九年重修朱緒
曾有記同治十年署總督何璟重建周苦忠利涉橋板橋不比石橋堅古渡長虹
又煥然今日真堪不用楫爲郎一試雙行纏

陳三立集利涉橋水亭二首錄一橋外樓臺絲柳長沒篙新漲浴鴛鴦貞元朝士還相見為汝聞歌泣數行

大中橋 古白下橋舊有白下亭李白王安石有詩一名長春橋明督師大學士黃

公道周殉節於此故又名大忠云橋以北柳煙蕩月荻穗搖秋為青溪勝境偶泛

小艇容與其中覺六朝煙水盡在其間

峴亭 在巡道署

峴亭記 金陵四方皆有山而其最高而近郭者鍾山也諸官舍悉在鍾山西南隅而率蔽於牆室雖如布政司署瞻園最有

盛名而亦不能見鍾山焉巡道署東北隅有廢地昔棄土者聚之成小阜雜樹生焉觀察歷城方公一日試登阜則鍾山翼然當其前乃大喜稍易治其巔作小亭暇則坐其上寒暑陰霽山林雲物其狀萬變皆為茲亭所有鍾山之勝於茲郭若獨為是亭見也公乃取見山字合之名曰峴亭下略

縣學 俗稱夫子廟在東牌樓文德橋北正中大成殿後有明德堂尊經閣右有青

雲樓祀歷任督學東南第一學坊額

明初為國學故建天下第一坊舊為秦大士書今易以小篆

泮宮二字舊為朱熹書今亦易去櫺星門額天下文樞四字金壇王澍書明德堂

三字曾國藩書〔荷香館瑣言〕天下學宮俱有明倫堂獨南京江甯縣學則書

明德堂曾文正重書亦仍之初不解其故嗣乃知舊額本宋文山手筆故後人不

敢易也內有玉兔泉三篆字相傳為秦檜書今僅存玉字上半劉青田序曰張孟

兼憫泉之芳潔為奸人所污而銘以雪其冤外有大成泉門外就秦淮水為泮池

俗呼月牙池

金陵勝蹟志

卷二 山水一

八

按孔廟之前宜肅靜清潔不容搭篷賣物雜耍喧鬧李太守璋煜曾立碑永禁宜也不謂日久玩生較昔尤甚直如蘇之元妙觀滬之城隍廟尊聖之意何存噫

奎星亭 在秦淮泮池旁乾隆乙未建道光十年何汝霖改建藍葺頂十七年重修

咸豐間燬同治間重建今設茶肆

貢院 在縣學左建於明洪武間至清代迭次擴充規模宏大前有龍門跨甬道而

屹立者為明遠樓進為至公堂堂後有飛虹橋橋後為衡鑒堂東西有屋為內簾

官所居再後則為考試官所居至公堂外左右一帶矮屋即號舍也共有二萬六

百餘號同治間曾文正公重修今科舉既廢除明遠樓直至衡鑒堂以及龍門左

右號舍數楹留作紀念外餘均闢為市場矣黃協塤過貢院前感賦一從科舉廢矮屋久荒涼自昔文章府今為市鬻

揚登樓望煙水煮茗話滄桑獨立思前事槐花秋又黃

狀元境 在貢院右因秦熹名或云宋秦檜父子居此皆舉狀元以醜其人故沒其

姓氏但稱為狀元境云

鍾山書院

在錢廠橋雍正元年總制查公建今為省立第四師範學校

一程延祚鍾山書院

碑記節錄一其形勢遙遙枕難籠近挹秦淮護龍河之水縈帶左右邑居環拱城郭紆徐結以崇構縹以周垣風氣綿密信金陵之勝地也

文正書院 在八府塘側為許方伯振禕所建以奉曾公香火并課士子文賦園中

亭宇花木最為幽曠今為第一中學校

大功坊 〔廣輿記〕上以徐達功大未有寧止命有司治甲第於此表其里曰大功坊

烏衣巷 〔世說〕注引丹陽記烏衣之起吳時烏衣營處也乃王謝故居今翦子巷

至武定橋是其遺址 〔莫愁湖志〕王導謝安渡江來同居此巷其子弟皆烏衣

故名 〔金陵志地錄〕至正志圖說言巷在馬道街東今鈔庫街至英府皆是也

〔金陵雜詠〕在城南內有烏衣園乃王謝故居一堂扁曰來燕歲久傾圮馬光祖撤而新之今失其處

邀笛步 是晉王徽之邀桓伊吹笛處舊名蕭家渡在秦淮上水關或云在竹橋側

〔存徵錄〕謂貢院前有石碣刻邀笛步三字恐無據

避蚊石 相傳大中橋東關頭有避蚊石游人納涼每泊於此 〔畫舫餘談〕嘗乘

畫舫往觀蠢然二石在河之干

淮青橋 淮水青溪合流於橋下故名

青溪 在江甯東源出鍾山九曲七橋馬之純已言一曲僅存矣自大中橋以西淮

青合流後則只當言秦淮不當言青溪也 〔曾文正公祠百咏〕公遊秦淮謂兩

岸惜少綠陰後人思公遺愛遂於青溪九曲徧栽桃柳 王又會汎舟秦淮遂入青溪一曲得絕句不雨不晴

金陵勝蹟志 卷二 山水 九

天最佳一匯深綠古銅措多情桃葉渡頭水半是青溪半是淮翠襟低拂尋常燕紅板斜通宛轉橋可是鄰生才地薄煙波一曲便迴棹 李薊青溪即事紛紛牆紅掃落花痕一帶樓臺樹影昏雨細風斜簾未卷縱無人在亦銷魂 張之洞青溪劉江諸大宅一帶礎不可尋遺此衣帶水濃華變清深稍稍種桃柳寡薄無繁陰聊借三人航寫我五湖心燥吻甘止酒茗梳自酌斟清曠人語絕時逢禪叢林煙際聞相呼三兩歸暝禽何必牛渚月已足愜素襟得享一舸閒勝擁千鎰金

白鷺亭 亭踞西城可瞰白鷺洲故名久廢

折柳亭 在白鷺亭下宋張詠建為送客之所久圯

賞心亭 〔一統志〕在水西門城上 〔輿地紀勝〕下臨秦淮丁謂建 張之洞賞心亭北橫天塹

雪濤吞南擁鍾山翠壁捫堪笑謂之無遠致賞心偏在水西門

行宮 在會城中向為織造廨署乾隆十六年高宗奉慈寧南巡大吏改建行殿以

備臨幸有彩虹橋綠淨榭塔影樓判春室聽瀑軒諸勝今廢

媚香樓 〔香東漫筆〕丙午丁未間賃廬金陵聞西鄰有水閣曰周河廳數年前掘

地得石碣刻媚香樓三大字廳主人懼其有神靈也亟復瘞之余曾得見拓本白

門寥落意多違差幸與媚香結鄰耳

金陵勝蹟志卷二

山水二

上海胡祥翰寄凡輯

城東路

鍾山 在朝陽門外〔建康志〕周六十里高一百五十八丈東連青龍雁門等山
 西臨青溪北連雉亭南有鍾浦水流入秦淮諸葛武侯所云鍾山龍蟠者也〔洪
 若皋〕云古名金陵山〔六朝事蹟〕引吳錄吳大帝祖諱鍾漢秣陵尉蔣子文
 死事於此改曰蔣山〔庾闡揚都賦注〕元皇帝渡江之年望氣者曰蔣山上有
 紫雲時時晨見世又謂之紫金山六朝時又名北山齊周融隱此孔稚圭北山移
 文所由作也明嘉靖中詔改為神烈山則孝陵在焉又名聖遊山雙峯蔚起上詣
 青冥誠郡邑之鎮也山椒有紀念碑為陣亡浙籍民軍而立〔顧宗泰遊鍾山記〕
 山而蔣山實江南之冠吳為蔣子文立廟曰蔣山又以南齊周氏隱此曰北山
 時有紫氣則又曰紫金山統而名之為鍾山余於是山向一至焉未盡其勝今鼓
 輿而往未至山六七里峯巒蔽虧藏雲障日水泉激澗淨細可愛至山松陰夾路
 寒濤吼空風自絕壁而下掩麟動翠其音颯然自晉以來刺史罷還栽松百株山
 故多松也〔中略〕余乃升高而望豁然四空西瞰覆舟難鳴諸山黛螺繞繞後湖
 隱見其六朝之佳麗乎而其南則俯眺城中萬家煙火綺紛繡錯曠無人處夕陽
 故宮也北凌大江蒼然極浦紫蓋黃旗之氣猶有可想見者而虎踞龍蟠江山如
 故獨慨然於齊梁遺墟之主而歎其銷沉於是歷巖而下日已薄暮朝陽洞商
 館周氏草堂羲之墨池諸境最僻俱不得訪〔下略〕吳偉業鍾山王氣銷沉石
 子岡放鷹調馬蔣陵旁金棺移塔思原廟玉匣藏衣記奉常楊柳重栽馳道改櫻

金陵勝蹟志

卷二 山水二

桃莫薦寢園荒聖公殿後無坏土姑孰江聲空夕陽 張文虎與縵老壬叔魯生
 湯衣谷裕同出朝陽門遊鍾山輿中戲作天公如遊人雨雲屢相錮連朝稍放晴
 相約如脫兔鍾山遠招客爽氣豁塵霧東出朝陽門肩輿聘飛步與夫向我言笑
 我作詩誤皇城久為墟宮殿今廣路郊荆寂入煙登陟何所慕秦淮多佳人漸已
 復其故豐頰長蛾眉妝飾雅且素絃管調新聲一醉忘日暮聞言謝輿夫性與時
 好忤惟有山水懷訪古差自娛城中多少年知音曲能顧黃金買歌笑纏頭不知
 數曷不肩彼行殘炙亦得哺與人作肩輿苦樂惟所赴山水有何好粉黛有何惡
 古人不可作惟有邱與墓所憐頭白翁老尚不知務

說法臺 在孝陵衛東北偏山半 陳文述說法臺生公遺跡在姑蘇海湧峯前夜月
 孤此地誌公曾說法不知頑石點頭無

橫琴石 在說法臺東石方平約圍四五丈居山之中一名分中石

屏風嶺 在八功德水西巧石青林幽邃如畫

一人泉 在北高峯上僅容一勺挹之靡竭 王友亮一人泉及徑樹陰幽竇泉炯
 炯山僧每獨來敲火試春茗

白雲窩 在靈谷寺僧續洪有記

烏爪峯 在圓通寺後一名鳳凰尖

琵琶街 在靈谷寺東履之有聲

八功德水 〔六朝事蹟〕聞絲竹聲因而得泉梅摯撰記在蔣山悟真庵後〔覽古
 詩注〕僧法喜禱於西域柏耨池七日得之所稱功德一廿二冷三爽四輕五清

淨六不臭七飲時不損喉八飲已不腹泄〔金陵志地錄〕洪武中已涸從馬鞍
 山下通出宣德間又竭正統中復出今之螿石為池以竹遞引者或即正統遺蹟

山下通出宣德間又竭正統中復出今之螿石為池以竹遞引者或即正統遺蹟

山下通出宣德間又竭正統中復出今之螿石為池以竹遞引者或即正統遺蹟

山下通出宣德間又竭正統中復出今之螿石為池以竹遞引者或即正統遺蹟